

այն կողմն, ասեն նոքա փախուստ ետուն, և ոմանք ասեն թէ գտեալ յուրեք պատե-  
 րագմեալ են, 300 ի սոցանէ անկեալ, ԳՌ ի նոցանէ: Վերջապէս այն կողմէն ձայն  
 տաճիկն մարեցաւ ասեն. բայց այս կողմն յերեկեանն զարդեաւ ասեն ԼՌ տաճիկք տասն  
 ժամ հեռու աստի, ի ներքոյ այսր կամին գալ ասեն, և ութսուն հազարով Ֆէզիրն ի  
 Սօֆիայ ժամանեալ, տաճիկքն ինքն որպէս աղուէս և կապիկ, խաղայ և խաղցնէ զոստ,  
 աստ զօրք ոչ գոն, նաև 2 հազար, զի աստ եղեալն ևս տարին [...] աւուր միոյ ճանապարհ  
 գնացին, կամ ոչ, հարիւր հիւանդացան, բերին աստ: Կայսեր փեսան երկու օր է որ ի  
 վարատիւնու էանց յայնկոյս գինիզէք զլիաւոր հրամայօղն Բ զօրացն էանց... լուայ թէ  
 յիսուն հազար են տաճիկքն, որք մերձ են, նաև լուայ թէ սոքա ևս յայսկոյս քարշելոց  
 են զգորս իւրեանց, տաճիկքն սոցա հետ տամայ կու խաղայ. այն երկու նաւքն որք  
 գնացին, գրեցի յայլում գրի, գնացեալ պահապան կեցան շինեցեալ կամուրջին, մինչև  
 զօրքն անցան. բոլորն գկամուրջն, նաւքն վերստին դարձան այսր:... զայս գիր մինչ  
 կամէի եզերել, լուայ զբօթալից լուր, թէ տաճիկն մերձեցեալ է իբրու կէս աւուր ճանա-  
 պարհ, ահարկութիւն և երկիւղ մի անկաւ ի սիրտս բազմաց, և լուայ թէ զգրունս  
 քաղաքիս փակելոց են...:

1738 յունիսի 21  
 15.երրորդ գիր ի Պէլլրղատու

Գերյարգութեան քում  
 Պատրաստական ծառայ ամենայնի  
 Հայր Միքայէլ Վ. Սեբաստացի

**ՁԲ.**

**Գերյարգեցելոյ Աբբայ Հօրդ մերոյ տեառն տեառն Միսիրարայ  
 Աստուածաբանութեան վարդապետի**

... Հասարակ երեք պատիժն աշխարհիս, այս քաղաքիս վրայ կայ. այսինքն պա-  
 տերազմ և ահ թշնամեաց, սով և թանկութիւն, և ժանտամահ, որ առաւել կասկածելին  
 որ յայժմ այս է, որ եթէ ոք չըջիցի ի քաղաքիս, տեսցէ զբազում մեռեալս. ի փողոցս  
 և յանկիւնս անկեալ դինն բազում օր. սայլով կրեն ի դուրս, առանց քահանայի, զի  
 չեն բաւական. առաջի դրան եկեղեցւոյն մերոյ վեց օր մեռեալ մի մնացեր էր, մեր  
 ննջեցելոյն հետ գնա ևս թաղեցաք: Զօրք սոցա լսելով թէ խումբ կապեալ քայլէ տաճիկն  
 առ դմշվար, վերստին անցան յայն կողմն, առ ի ընդդէմ ելանել նոցա. բայց լուեալ  
 նոքա փախեան: Ի մօտակայ տեղիս տաճիկքն երեկն և չըջապային, մի անգամ ակներև  
 վեց և եօթն ճ տաճիկքն եկին, որ այն ժամ բոլոր զօրք սոցա աստ էին, սակաւ մի  
 ձիաւոր զօրք և գատանայք ուղարկեցին, գատանայքն միայն պատերազմեցան, ութ ինն  
 թուրք անկանոն, և երկու երեք ի սոցանէ. յետոյ ապա թէ տրակօներն սկսան ի մէջ  
 առնուլ, բայց տաճիկն իմացեալ փախեաւ: Այս ամաց պատերազմ սոցա քան զհերուին  
 աւելի ծաղրական և խարդախական, որ թուրքն այնքան մեծ ուժով և բազմութեամբ  
 չեկաւ, թողին որ գերկիրն մինչև ցայսր ի յապականութիւն դրաւ. և զանառիկ բերրն  
 այնքան թօփերով և այլովք իրովք թոյլ ետուն թշնամուոյն առնուլ, այսինք զօտովայ:  
 Այս օրերս լուաք թէ փաշամ մի ճ և այլ աւելի անձամբ եկեալ աստ որպէս հրեշտակ  
 բանակեալ արտաքոյ քաղաքիս, զի ոչ թողին ի ներքս մտանել, բերեալ է զգրեր և այլ  
 մի գիր ի դումաշ քսակի առ կայսերական ատեանն հասանել, այսու հռչակեն զի խա-  
 դաղութիւն լինի... :... ճէնրալ վիզարիօն որ զիս քաջալերեալ յորդորեաց մնալ աստ,  
 եթէ տաճիկն առնէ զքաղաքս այս, զափիթօլացիօն ի լինելն, քեզ տիրութիւն առնեմ  
 առ ի ազատել. բայց սա մինչ այն սակաւ տաճիկն երևեցաւ և պատերազմեցան ակներև  
 ի քաղաքիս, յերկիւղէն առժամայն նստաւ ի կառս իւր և փախեաւ ի Վիէնա, այժմ  
 աւագ քանօնիքն է փոխանորդ:...

1738, հոկտեմբերի 25  
 ի Պէլլրղատու

Գերյարգութեան քում  
 Պատրաստական ծառայ ամենայնի  
 Հայր Միքայէլ Վ. Սեբաստացի